

docriver 文川网
古籍书城
入驻商家
在文川网搜索古籍书城 发现更多电子书

中國方志叢書·華北地方·第二七四號


據

清·鄭謙·王森文等原纂修
清·咸豐三年重刊本

影印

陝西 省

安康縣志



58 39/11

成文出版社有限公司印行



中華民國五十九年 月壹一版

安康縣志

全一冊

發行人：**黃成助**

台北郵政信箱二二六〇五號

出版者：**成文出版社有限公司**

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：**東南印製廠有限公司**

和平西路二段70巷83弄29號

內政部登記證內版台業字第一一四七號

docsriver 文川网
入驻商家 古籍书城

在文川网搜索古籍书城 获取更多电子书

叙

周禮地官之職土訓掌道地圖以詔地
事誦訓掌道方志以詔觀事蓋左圖
右書古人並重後世志書之作實昉
於此顧昔之志地者如三輔黃圖水經
注則專言城郭山川襄陽耆舊潤川
名士則惟述鄉賢邦彥岳陽風土記

武昌土俗編則但紀習俗好尚各成一冊
槩不相羈至唐李吉甫撰十道圖始總
數官員俸料元和郡縣志漸載古蹟及
宋樂史作太平寰宇記增以人物藝文
遂為志州縣者之圭臬矣安康古西城
縣於西漢為漢中郡附郭至三國始別
為一郡閱代數十雖或州或郡或軍

遞有不同而縣之為附郭自若也逮元明
列為散州

國初仍之乾隆間乃升為府而氏縣曰安康

雖係鼎新實為復古願邑歷于禩夫豈
無慈惠之師卓行之士足資揚摧乃於
唐之世系表僅得令尉各一於宋之金
石文僅得令及簿尉共七人則豈非紀

載失傳或著錄無人致此寥々耶

郡尊葉健菴先生延董樸園孝廉續修
府志時廣加蒐羅嘗謂自康熙甲戌修
志至乾隆己酉百餘年間官師之遷除
與學校之升舍已有歆尋年代無甲乙豈
有名字記誰某之歟因念立縣三十餘年
從未議及志乘長此悠悠將後之視今猶

今之視昔其為缺憾豈復細故心貯久之
而授簡實難其人適春林王君以博雅
擅著作之才來攝邑篆歡然從事因
委重焉時岳舍人一山來主講席屬之
載筆體例已成未及修飾嗣是王君馳
驅三輔駁厯漢南又五年矣雖行笈長
携時勤編纂而健菴先生成切屢省

每篤以簡書今年秋馳書來告曰吾志
成矣請付剞劂其為書言約而事詳思
精而體大繪山川城郭渠堰土訓之掌
故也表建置職官選舉訓誦之遺則也
詳驛置關隘險易元和四至八到之明畫
也列傳之作非身後論定者不登藝文所
收非實關政治者不採慎擇而簡出之足

以信令傳後仰副大府之盛心矣斯舉也
健菴先生以式十室之勤潤色下邑春林
明府於移官之後猶不忘雪踪雖以謙之
不敏訂傳鈔之疑似替梓人之怠勤得
書名其次有厚幸焉因載筆而識其顛
末後之官斯土者觀初始之惟艱念好音
之當嗣月緯年經俾無廢墜則又 健菴

先生勤々懇々屬望無窮者也肯

嘉慶二十年歲次乙亥十月望日署安康縣

知縣覃懷鄭謙地山氏書

安康縣志

鑒定

興

安

府

知

府葉世倬

江蘇上元縣人
甲午科舉人

總纂

署安康縣知縣候補知縣鄭謙

河南溫縣人
戊午科舉人

編輯

署畧陽縣知縣前署安康縣事王森文

山東諸城縣人
乙丑科進士

參訂

內

閣

中

書岳震川

洋縣人辛酉科
進士

邑

舉

人董詔

安康縣人甲午
科舉人

重校

興安府府學廩生張珍

安康縣人

邑廩生方友桂

安康縣志目錄

紀一 第一卷

皇朝編年紀

附前代

圖三 第二卷

輿地圖

第三卷

建置圖

第四卷

水利圖

表四 第五卷

沿革表

第六卷

職官表

上
下

第七卷

選舉表

第八卷

陣亡官弁兵勇表

考三 第九卷

輿地考

上
下

第十卷

建置考

上
下

第十一卷

食貨考

畧一 第十二卷

政畧

傳四 第十三卷

人物傳

第十四卷

列女傳

第十五卷

闕訪傳

第十六卷

前志傳

docsriver 文川网
入驻商家 古籍书城

在文川网搜索古籍书城 获取更多电子书

文徵四 第十七卷

文徵甲集

第十八卷

文徵乙集

第十九卷

文徵丙集

第二十卷

文徵丁集

皇朝編年紀第一 附前代

原天志乘之作徵文考獻出自禮經紀事編年裁于史部禮分經曲各有體裁史若綱綱先提要領此寶書之成法亦方志之要冊也會稽章實齋先生學誠撰永清縣志定著紀表圖書畧傳六體繼撰湖北通志又變爲紀圖表考畧傳六體雖詳畧有別要皆取裁史法森文從事有年竊聞緒論茲志安康奉爲程式體例悉遵師傳意旨則隨風俗挈其綱領首爲編年紀

順治二年兵部侍郎總督陝西孟喬芳遣將陳德任珍討流寇賀珍劉二虎於興安

三年劉二虎陷興安關南道袁生芝知州曲良貴判官侯

嘉允死之

四年興安平以任珍爲興漢鎮總兵修舊城徙治漢水溢

七年大水

八年併守禦所

十年大水

十一年六月地震

十四年三月城中及北關火次日又火延燒七千餘家

十五年秋霖雨四十日

康熙元年省鄖陽巡撫分興安屬陝西左布政司大水

十三年饑竹米生

十四年鎮兵殺總兵王懷忠據城以叛

十五年大水

十八年夏旱秋澇冬十月撫遠大將軍圖海遣總兵偏圖復興安

十九年饑

二十三年旱

三十年旱

三十二年漢水溢

四十五年漢水溢城圯復築新城移文廟鎮署及常平倉於城內

雍正二年漢水溢入城

乾隆三十一年補修新城

四十八年陞州爲興安府移漢陰縣并州地置安康縣

五十四年漢陰改撫民通判復漢陰地

五十五年蠲免地丁銀四千五百兩有奇米六百石有奇
賞老民羅成學等一百二十四人絹棉肉米有差

六十年蠲免地丁銀四千六百兩有奇米二百石有奇

嘉慶元年賞老民羅成學等二十四人絹一疋棉一觔肉
十觔米一石

二年修舊城

三年蠲免民欠銀三千七百九十兩有奇米六百石有奇

四年蠲免民欠銀二千五百兩有奇

五年秋旱蠲免民欠銀五千四百兩有奇米全免賞賑銀

一萬三千七百兩有奇

六年賞展賑銀五千八百兩有奇

七年蠲免民欠銀三千一百兩有奇

八年蠲免民欠穀三千二百石有奇

九年蟲傷麥苗賞撫卹銀五千四百兩有奇

十年蠲免民欠銀二萬八千八百兩有奇

十三年秋禾災賞撫卹銀一千八百兩有奇穀八百石有

奇修舊城新城

十四年蠲免民欠銀六百兩有奇穀八百石有奇賞貧民
口糧穀八百石有奇老民葉榮等五十三人絹棉肉米有

差

十八年

十九年修甄坪城

前代編年紀附

周魯文公十六年楚人秦人巴人滅庸

秦惠王十三年取楚漢中地七百里

漢建武六年秋遣前將軍李通率破姦將軍侯進捕虜將

軍王霸擊漢中賊延岑公孫述遣師救岑通等與戰於西

城破之

建安二十年秋七月曹操取漢中分西城安陽爲西城郡

置太守

建安二十四年先主命孟達從秭歸北攻房陵劉封自沔



水會之魏西城太守申儀降

延康元年孟達降魏以房陵上庸魏興爲新城郡達領太守假節

後漢建興五年冬十二月孟達以新城歸蜀魏將軍司馬懿攻之

六年春正月魏破新城孟達死之

晉大寧三年春三月劉耀將康平陷魏興

咸康五年庾懌以輔國將軍梁州刺史假節鎮魏興

永和五年仇池公楊初襲魏興復之

太和元年桓豁遣都護桓熊伐南鄭魏興人畢欽起兵應之



太元四年苻秦將軍韋鍾陷魏興梁州都護吉挹死之
九年桓冲遣部將郭寶復魏興

義熙二年桓石綏王天恩襲魏興太守傅宏之斬之

宋元嘉九年楊難當寇漢中梁州甄法護委鎮奔西城

二十四年十月甲午甘露降魏興太守韋寧民以聞

西魏廢帝元年春王雄平魏興置東梁州

三年改置金州總管府安康人黃仲寶作亂執太守柳檜
害之王雄復率陸騰自子午谷入討平之

周天和四年移吉安入西城統名吉安

隋開皇初廢金州總管府改吉安爲金川縣

唐武德元年改金川仍爲西城縣以吉安舊治置平利縣

唐貞觀十六年九月金州言青龍見

寶應元年金商二州隸京畿

大歷十二年四月金州卓英璘反六月乙巳英璘伏誅給復金州一年

興元元年置金商二州防禦使

光啓元年陞防禦爲節度使是年罷節度使置昭信軍防禦使治金州

光化元年復陞爲節度使

天佑二年賜號戎昭軍增領均房二州更爲武定軍徙治均州五月王建陷金州六月馮行襲復金州

梁王建攻金州全宗朗降改置雄武軍

唐同光三年復金州

宋王全斌與崔彥進伐蜀孟昶降建金州爲昭化軍

紹興元年李忠攻金州王彥設伏於秦郊鎮敗之

三年正月金兵陷金州五月丙子王彥復金州

十年分金州屬利州東路

二十三年二月癸未以李耕爲金州觀察使

三十年三月丁酉初置金州御前諸軍統制以知金州王
彥爲之

端平元年元兵破金州

開慶元年五月城金州

元改金州爲散州廢西城縣

明成化十二年兼屬鄖陽巡撫

正德八年裁州西南境置紫陽縣


萬歷十一年築新城改金州爲興安州遷新城

二十四年陞直隸興安州

崇禎七年兵部侍郎陳奇瑜圍流寇李自成於興安車廂
峽食盡乞降縱歸復叛

docsriver 文川网
入驻商家 古籍书城

在文川网搜索古籍书城 获取更多电子书



輿地圖第一

周禮大司徒掌以土地之圖周知地域廣輪之數辨其山林川澤之名蓋卽志乘家山川道路之說覽山川以度形勢計道路以謹關津甚要務也然非圖則無以得其形狀安康地處萬山遼濶七百餘里爲圖而不計里開方則亦無以得其真形但山有高卑路多紆折非測望亦無以得其定數茲開方爲圖亦度其高卑紆折約略其大概耳若夫勾股測算則以俟後之君子焉